



050

歐陽文忠公文集二



內制集卷第五

歐陽文忠公集八十六

賜樞密使山南東道節度使同中書門下平

章事賈昌朝生日禮物口宣九月五日

卿位峻樞庭望崇舊老屬誕期之斯及顧寵數以宜優體乃眷懷膺茲蕃錫

皇帝賀契丹皇帝正旦書

正月一日伯大宋皇帝致書于姪大契丹聖文神武睿孝皇帝闕下玉曆正時布王春而茲始實隣敦契講信聘以交修方履新陽益綏多福其於祝詠罔罄敷言今差朝散大夫守太常少卿上騎都尉渤海縣開國男食邑三百戶賜紫金魚袋具中復供備庫使銀青崇祿大夫檢校太子賓客兼御史大夫騎都尉廣平縣開國男食邑三百戶宋孟孫充正旦國信使副有少禮物具諸別幅專奉書陳賀不宣白

皇帝賀契丹太皇太后正旦書

正月一日姪大宋皇帝謹致書于孀大契丹仁慈聖善欽孝廣德安靜正淳懿和寬厚崇覺儀天太皇太后闕下歲律更新春陽奄逮因履端之叶吉敦永好以申歡載惟慈懿之和方集壽康之祉更希善攝用副遐矜今差朝散大夫守太常少卿直昭文館護軍

廣陵縣開國子食邑五百戶賜紫金魚袋呂景初洛苑使兼開門通事舍人銀青崇祿大夫檢校太子賓客兼御史大夫騎都尉清河郡開國侯食邑一千七百戶張利一充正旦國信使副有少禮物具諸別幅專奉書陳賀不宣謹白

賜知潁州徐宗沆進奉賀充國公主出降銀

絹馬等勅書

勅徐宗沆省所進奉賀充國公主出降絹五百疋事具悉詩稱王姬之下嫁國著嘉禮而有儀惟臣職之聿脩備物容而叙慶誠勤所至歎尚良深故茲示諭想宜知悉冬寒汝比好否遣書指不多及

賜知建昌軍沈造勅書

勅沈造省所進奉銀珠稻米一十石計一百黃絹袋事具悉汝職守軍符政策民橋樂此有秋之實擇其嘉穀之英式陳常貢之儀彌體恪官之意故茲示諭想宜知悉冬寒汝比好否遣書指不多及

集禧觀凝祥池崇禧殿開啓祝聖壽年交金

籙道場密詞十二月十日

伏以璇霄默運推四序以循行玉曆更新集萬靈而交會俾清琳宇延格高真薦茲精一之誠析乃純紈

之社冀縣福祚均及含生

班荆館賜契丹賀正旦人使到闕酒果口宣

十二月十日

卿等歲律更端隣歡交聘載馳使傳方及國郊宜推寵錫之恩式示眷懷之厚

瓊林苑開啓保祐聖躬祈福道場青詞十二  
月十二日

伏以四時成歲嘉慶彙之咸新百福自天荷蒙莫之冥貺俾開靈囿恭講仙科恢寶祚之延長錫壽康之遐永是惟降鑒享乃克誠

瓊林苑開啓保祐聖躬祈福道場默表

伏以荷天地之鴻休席祖宗之丕業載惟勵翼敢忘憂勤屬歲律之更端冀時禔之茂集俾嚴禁籞祗率舊章庶通芬潔之誠仰格清真之馭伏冀錫齡斯永降福孔多保邦祚於無窮均物生而咸被

啓聖院齋殿內權奉明德元德章穆皇后令

告遷赴普安院重徵隆福兩殿奉安祝文

嚮以雨水為災殿塗增緇亦既新於叢構庶來復於真遊爰揆靈辰冀茲安妥編惟慈佑丕鑒乃誠

皇帝親詣啓聖禪院告遷明德元德章穆皇

后赴普安院奉安祝文

嚮者因霖災之為沴飭殿構以增新消穀旦之惟良奉神遊而還止載深感慕躬薦芬馨式慰孝思冀茲臨格

正月三日就驛賜契丹賀正旦人使內中酒果口宣

卿等奉將隣好來會歲元載推一作寵寶之私宜極珍豐之品俾頒嘉味式侑宴歡

瓊林苑交年禱祭太歲諸神祝文

天行有度運三統以環周歲德所臨從百神而拱列載消穀旦薦此令芳惟陰鑒之享誠委時祥而昭佑  
班荆館賜契丹賀正旦人使到闕御筵口宣  
十二月十四日

卿等曆紀歲元聘交隣好載馳使傳方及國門宜頒宴搞一作作之思式示眷懷之厚

賜夏國主進奉賀正馬馳詔

詔夏國主省所差人進奉賀正馬馳共一百頭足事具悉履端紀歲萬邦咸稟於王正効貢以時奕世克修於藩職載閱充庭之實深惟守土之勤遐體傾輸不忘歎獎今回賜銀絹茶等具如別錄至可領也其

差來人所賜物色亦具賜目故茲詔示想宜知悉春寒比平安好否書指不多及

賜夏國主贖大藏經詔十二月 日

詔夏國主省所奏伏為新建精藍載諸贖大藏經帙籤牌等其常例馬七十疋充印造工直俟來年冬賀嘉祐四年正旦使次附進至時乞給賜藏經事具悉封奏奉來秘文為請惟覺雄之演說推善利於無窮嘉乃純誠果於篤信所宜開允當體眷懷所載請贖大藏經帙籤牌等已令印造候嘉祐四年正旦進奉人到闕至時給付故茲詔示想宜知悉春寒比平安好否書指不多及

賜新除觀文殿學士禮部侍郎孫沔詔嘉祐三年七月十日

勒孫沔省所上表伏蒙聖慈差使臣賁到誥勅各一道授臣觀文殿學士禮部侍郎并賜對衣金帶鞍轡馬錢五百貫文不敢恭受伏乞特改差臣知一小郡或依例除一官致仕陳乞事具悉卿蔚有敏材膺予簡任外分邊寄嘗著於恩威入贊國機早參於帷幄風猷甚美寵遇既優適當擇帥之初方鑒用謀之失是惟慎舉實允僉諧豈宜圖自便之私而罔體眷懷

之意顧茲重地難久曠官往抵成命之行當略好謙之節所讓宜不允依前降指揮疾速發赴本任故茲詔示想宜知悉

集禧觀奉神殿開啓謝雪道場青詞

近以溫陽干時雨雪愆候載惟寡薄敢罄精純明靈孔昭嘉應斯獲兆豐年而有望消厲氣於未形惟物蒙休以時申報冀清真之來格期福貺之永依

自京至雄州已來撫問契丹告哀人使口宣五月十九日

卿抵戒輶軒載馳隣計顧道塗之甚邈惟涉履之斯勤俾宣恩言式慰良苦

賜契丹國告哀人使茶藥口宣 正月十九日

卿式將隣聘來告國哀屬春候之尚寒顧驛塗之攸邀俾頒品劑用示眷懷

沿路賜契丹國告哀人使赴關茶藥口宣 正月十九日

勒蕭福延卿夙駕使輜遽傳國郵屬餘寒之在候想馳驛之為勞俾頒飲劑之良用示眷懷之厚

景靈宮雅飾元天大聖后聖容并侍從等開啓預告道場青詞 正月二十日

伏以珍宇運嚴奉真靈而有素玉容清穆謹修枝以  
惟時爰按仙科俾仲虔告載瞻道蔭宜鑒沖誠

皇帝回契丹皇帝告哀書

二月日伯大宋皇帝致書于姪大契丹聖文神武睿  
孝皇帝闕下承遣使車特貽絨翰不意凶變太皇太  
后上僊載惟契好久睦仁鄰聞此訃音但增感愴姪  
皇帝負荷至重追慕所深冀節哀情用遵禮制已差  
人使專持慰禮今林牙懷德軍節度使蕭福延回奉  
書陳謝不宣白

雄州撫問契丹賀乾元節人使口宣 二月二  
十四日

卿等夙持信聘來講隣歡及疆候以惟初屬暄和之  
方盛宜加撫慰式示眷懷

賜給事中叅知政事曾公亮生日詔 二月二  
十五日

卿等有時望叅于柄臣惟倚注之所深在眷顧之尤  
異屬茲誕日宜爾壽期膺此寵頒體予至意

賜翰林學士兼侍讀學士尚書戶部郎中知

制誥知審刑院胡宿詔 三月三日

勅胡宿省所奏據大理寺日奏司申二月二十一日

已前下寺公案並已斷奏了畢無見在事具悉朕欲  
斯民足衣食知禮讓而竊攘爭鬪之微猶滋欲吾吏  
陳刑罰盡情偽而傳予輕重之文不一卿以儒學之  
職總評議之繁克勤其官曾不留事實副予意惟時  
可嘉若乃使天下困圉空虛而風流篤厚是亦論思  
獻納者之志其勉助我以共臻焉仍依奏宣付史館  
故茲獎諭想宜知悉

賜判大理寺陳太素并權少卿楊開及審刑  
院詳議官大理寺詳斷官等勅書 三月三日

勅陳太素省知審刑院胡宿奏據大理寺日奏司申  
二月二十一日已前下寺公案並已斷奏了畢無見  
在事刑獄之重一成而不遷比類之微可疑者甚眾  
汝好學而敏洫官以勤夫俾天下之無冤幾刑錯而  
不用此朕冀翼希慕之所未及而爾孜孜厥職之所  
不忘者也故茲獎諭想宜知悉

恩州賜契丹遣留使劉茶藥口宣 三月二  
十八日  
卿等夙馳使傳來達信函載惟涉履之勤當此暄和  
之候宜加頒賚式示眷懷

瀛州賜契丹賀乾元節人使却回御進口宣

四月七日

卿等既成聘好方即歸塗再惟將命之勞宜有犒勤之錫俾伸宴飲用示眷私

班荆館賜契丹賀乾元節人使却回酒果口

宣四月七日

卿等使軺復命郊館餞行惟茲良深之英薦以甘馨之實用伸恩錫當體眷懷

十六日就驛賜契丹賀乾元節人使內中酒果口宣四月十七日

卿等夙奉信函方休賓館惟此醇甘之品用推寵賚之恩聊侑宴歡以伸優遇

賜知舒州齊廓進新茶并知廣德軍滿延熙

進先春茶勅書

勅齊廓省所進奉新茶一銀合合重五十兩緋羅夾複全事具悉百物茂生取新為貴羣方修職効貢以時汝守土有方事上惟恪閱茲來獻用體勤誠故茲示諭想宜知悉

賜外任臣寮進奉乾元節銀綰馬勅書

勅高易簡省所進奉乾元節綰五百定事具悉汝夙以敏材膺于東寄及此奉觴之節載陳任土之儀能因物以達誠見事君之甚恪省閱于再歎嘉不忘故

茲示諭想宜知悉

班荆館賜契丹告哀人使內中酒果口宣

卿夙將隣計方屆國門載惟銜涉之勤宜有宴休之錫俾伸頒費用示眷優懷一作懷

開寶寺福勝院開啓道場於乾元節日支散

架梁并設大會齋一中齋文

伏以正陽旅月方及於嘉時萬壽齊天式標於令節啓真乘之秘藏集淨侶於法筵仰惟慈妙之仁茂委純庵之祉永隆丕算均福羣倫

東太一宮開啓保夏祝聖壽金籙道場密詞

四月二十四日

伏以寂然妙道推善應以無方瞻彼高靈薦精誠而必達屆此長麗之候是惟茂育之時爰稽玉笈之真文載潔雲壇之淨醮冀敷昭鑒來集純禧固壽曆之延昌溥蒼黔而均祐

賜彰信軍節度使檢校太保同中書門下平

章事判大名府李昭亮乞知西京不允詔

勅昭亮省所上表乞移判河南府事具悉朕惟親洽之重皆為別都將率所居難於屢易卿以中外勤勞之績有撫綏扞禦之材自膺寄任之雄方厚倚毗之

意遽茲列奏嘉乃好謙宜體春懷靖安爾位所乞宜不允故茲詔示想宜知悉夏熟卿比平安好遣書指不多及

賜宣徽南院使淮康軍節度使張堯佐乞知

西京不允詔 五月二日

勅堯佐省所奏臣皇祐三年內授宣徽南院使判河陽軍州事未滿任蒙詔赴闕供職至今六載自量尸素深不遑寧近知西京關人未有除授伏望特賜差委事具悉宣導徵賦任親而事簡居留京邑地要而務繁惟予眷遇之臣方處清閑之職載披來牘深識乃誠雖奮其聰明尚足以臨蒞而待我耆艾宜有以優游實嘉盡瘁之心雖徇撫謙之意所乞宜不允故茲詔示想宜知悉

賜宰臣文彥博上第一表乞解重任不允批

答 五月十八日

省表具之夫知其人之為賢任則勿貳事其君而有道去不可輕此古之臣主之明舉措必慎所以收功於一時而垂法於後世也卿夙有時望為予柄臣自復秉於國鈞僅三周於歲序若乃進退賢否誅賞罪功每於聽納之間敢忘虛己顧彼搢紳之論魯靡異

辭方期有成以副予意而乃過形謀損思避台衡豈寡德弗明於用才而不盡將多言害正致厥位之難安苟異於斯夫何引讓矧卿忠信之節足以叶予之一心材謀之優可以斷予之大事茲所東注寧煩諭言所請宜不允

就驛賜契丹遣留使副銀鈔錙噀孟孟子錦

被褥口宣 五月十八日

卿等馳輅來止將命有儀顧茲館憩之初宜具燕私之用俾仲優錫式示眷懷

通商茶法詔 嘉祐四年二月四日

勅古者山澤之利與民共之故民足於下而君裕於上國家無事刑罰以清自唐末流始有茶禁上下規利垂二百年如聞比來為患益甚民被誅求之困日惟咨嗟官受濫惡之入歲以陳積私藏盜販犯者實一作繁歷刑重誅情所不忍使田間不安其業商賈不通于行嗚呼若茲是於江湖之間幅員數千里為陷穿以害吾民也朕心惻然念此久矣間遣使者往就問之而皆歡然願弛權法歲入之課以時上官一二近臣件析其狀朕嘉覽于再猶若懷然又於歲輸裁減其數使得饒阜以相為生刻去禁條俾通商賈

歷世之弊一旦以除著為經常弗復更制損上益下以休吾民尚慮喜於立異之人緩而為姦之黨妄陳奏議以惑官司必寘明刑用戒狂謬布告遐邇體朕意焉

內制集卷第五

賜契丹國書大藏經缺  
快字上一有  
通商條法重誅  
快字上一有

內制集卷第六

歐陽文忠公集八十七

恩州賜契丹皇太后賀乾元節大使茶藥詔  
嘉祐四年二月二十四日

卿夙將信聘方止中塗惟茲藥籙之良加之一作若品之美特伸頌一作資式示眷懷

恩州賜契丹皇太后賀乾元節副使茶藥詔  
同日

卿肅將聘幣來及壽觴載嘉道路之勤宜有頒宣之寵仍仲撫勞當體眷優

恩州賜契丹皇帝賀乾元節大使茶藥詔  
卿將命寶隣謠歡壽節屬此暄和之候載惟涉履之勤宜頒品劑之良式示眷懷之意

恩州賜契丹皇帝賀乾元節副使茶藥詔  
卿夙副聘輅來陳壽祝顧川塗之攸邈屬氣節之方和俾頒飲餉之精式助宣調之理

端午帖子  
皇帝閣六首

其一

天容清水畫風色秀含薰五日逢佳節十齡奉聖君  
其二

線索盤中結楊梅糝裏紅宮闈九重樂風俗萬方同

其三

寶典標靈日明離正午方五行當火德萬壽續天長

其四

歲時令節多休宴風俗靈辰重祓攘肅穆聖居百神  
衛滌邪寧待浴蘭湯

其五

香菰黏米著佳名古俗相傳豈足矜天子明堂遵月  
令含桃初薦黍新登

其六

聖主憂勤致治平仁風惠澤被羣生自然四海歸文  
德何用靈符號辟兵

皇后閣五首

其一

繡館覆柔桑新絲引更長紉爲五色縷續壽獻君王

其二

槐綠陰初合榴繁豔欲然翠筒傳角黍嘉節慶年年

其三

煙含玉樹風生細日永宮花漏出遲深殿未嘗知暑  
氣水精簾拂砌琉璃

其四

玉壺冰彩瑩寒光避暑宸遊樂未央采艾不須懷毒  
珍塗椒自己馥清香

其五

蘭若揮秀迎風紫檀輪繁開照日紅嘉節相望傳有  
舊深宮行樂自無窮

溫成閣四首

其一

香黍箇爲樓靈苗艾作人芳音聽已遠節物自常新

其二

珠箔涼颼入金堂畫刺長鸞臺塵不動銷盡故時香

其三

聞說仙家事杳微世傳真偽豈能知遙思海上三山  
樂寧記人間五日時

其四

雲散風流歲月遷君恩曾不減當年非因掩面留遺  
愛自爲難忘窈窕賢

夫人閣五首

其一

冰壺凝皓彩水殿漾輕連繡繡誇新巧繁縷喜續年

其二

黃金仙杏粉赤玉海榴房共闢今朝勝盤裙百草香

其三

光風細細飄香轉綠葉陰陰覆檻涼雲物鮮明時節

麗水精宮殿侍君王

其四

蓬萊仙闕彩雲中端日一作欣逢歲歲同皎潔霜紈

空詠扇深沉玉宇自生風

其五

古今風俗記佳辰樂事深宮日日新巧女金盤絲五

色皇家玉曆壽千春

皇帝回契丹皇帝賀乾元節書

四月日伯大宋皇帝致書于姪大契丹聖文神武睿

孝皇帝闕下乾陽正月紀茲載誕之辰隣聘修歡貺

以千齡之祝吉言既繆禮幣兼豐感著之私敷陳罔

罄今彰聖軍節度使蕭供等回專奉書陳謝不宣白

皇帝回契丹皇帝達皇太后賀乾元節書

四月日伯大宋皇帝致書于姪大契丹聖文神武睿

孝皇帝闕下壽節屆期隣歡悌契仍導柔慈之旨過

中延祝之言兼厚物容用增刻著顯希侍次達此悰

誠今左監門衛上將軍耶律保等回專奉書陳謝不  
宣白

宣

恩州賜契丹皇太后賀乾元節人使茶藥口

宣

卿等風奉信函及茲誕節載勤馳傳方止中塗宜有

寵頒用伸撫慰

恩州賜契丹皇帝賀乾元節人使茶藥口宣

卿等甫臨誕日來講降歡載惟將命之嚴宜有勞勤  
之錫俾仲寵齊式示嘉嘉

天齊仁聖帝廟開啓祈祥迎福催生金籙道

場密詞三月二十日

伏以高穹降慶方垂佑於邦家彌月告期用薦誠於  
科籙冀衆真之昭鑒臻百順以儲休

廣聖宮開啓催生道場默表三月二十日

伏以帶韜迎祥慶祿祠之叶應潔壇修薦致精懇以  
冥祈俾因麟瑞以通誠仰冀靈真之報福

內中福寧殿開啓天祺節道場青詞三月二

伏以候臨初煥節紀嘉名肅嚴祕殿之居降集清真  
之馭薦之馨苾報以善祥豈惟敷佑於眇躬無冀均

休於庶品

內中福寧殿罷散天祺節道場青詞

同日

伏以薰風應候瑞節紀時按琳簡之真文嚴紫庭之邃宇衆靈來格冥感交通嘉乃羣生蒙茲百福載傾虔意鑒此明誠

後苑親稼殿開建鎮星祈福道場青詞

三月二十日

伏以祠棋叶應彌月告祥肅依科錄以薦誠仰冀照臨之降鑒錫之祉福佑以休一作保寧惟集慶於邦家永延鴻於基緒

萬壽觀開啓永嗣保安道場青詞

伏以廟杜降祥宮庭叶慶載消吉旦交薦明誠期仰格於清真俾敷延於祉福永昌基祚遐企靈休

景靈宮天興殿開啓催生保慶道場青詞

伏以誕彌叶慶獨潔修誠嚴秘殿於靈宮誦真文於藥簡通此芬芳一作若之薦後其舊害之虞仰冀昭回

丕符鑒祐

護國顯應公廟開啓保安催生道場青詞

伏以正陽旅月載育開祥式因靈宇之嚴交薦精衷之潔仰冀衆真之貺敷昭百順之休永祚皇圖實希道蔭

賜新除行刑部尚書依前觀文殿大學一知

陳州劉沆讓恩命不允詔

四月五日

卿鶴以宰弼之崇屢形懇避居留之任因用均勞而休風藹然嘉問時至方深眷倚遽聞奏封顧惟陪輔之邦俾遂便安之請增之美秩優我舊臣豈祇循於故常蓋以示夫褒寵齊受之際逡巡以辭雖言匪飾文見於能讓而令行已出難矣復還其體余懷往祇新命

雄州白溝驛賜契丹賀乾元節人使却回御

筵無撫問口宣

四月十三日

卿等聘函時達使傳言旋冒茲炎煥之辰涉此川塗之邈宜申宴錫式示眷懷

賜中書門下戒僭奢詔

五月四日

敕中書門下朕纘承丕基撫有方夏謂教之不可以家至而行之每務於身先惟是儉勤敢忘勉勵期與羣庶臻于富康而人殆久安驕於佚欲物豐太盛耗以浮虛苟奉養以自私忘僭奢之為戾士民交黷賤靡分惟其疆力之能無復等威之制考於著令雖有舊章顧在攸司鮮聞用法民遂安於常習弊罔革以滋深紀綱既紊於度程風俗以至於沕蕩得朕有

欲治之意不能副余之誠心而民多自陷之愚未免煩余之訓導夫令信由於貴始下化先於上行眷予一二之臣其率庶工而警職俾爾多方之衆勿踰常憲一作以千刑庶斬革於侈風以共趨於治路凡居室之制罷用之度冠服之章妻媵之數其令中外臣庶遵守前後條詔如有違犯仰御史臺及關封府糾察聞奏其諸路州軍即委轉運使提點刑獄臣察及逐處長吏施行布告中外咸使聞知故茲詔示想宜知悉

西太一宮續催生道場密詞 四月二十六日

伏以吉月迎祥靈樛叶應爰即清真之宇虔修科式之儀冀板滌於害災俾敷昭於福應載昌儲慶永佑基圖

東太一宮開啓保夏祝聖壽金籙道場密詞 四月二十六日

伏以珍館邃嚴格真靈而來宅明誠調潔薦馨茲以交修導迎百順之祥及此長贏之序伏願寶圖綿固壽曆延長永敷佑於邦家溥均休於品庶

為將來禋享禮畢奏謝內中福寧殿并景靈宮等處諸神表 六月二十五日

伏以清廟有嚴仲冬正序乃先時祭躬講禮文賴真靈之集休俾容典之咸舉仰膺佳貺彌勵丹衷

為將來禋享禮畢奏謝諸寺院表 同日

伏以宗廟之嚴祭祀惟重矧茲合食之義尤為盛禮之文乃顧眇躬克成大饗實繫朕祐用薦菲誠

內中為將來禋享禮畢奏謝露香表 同日

伏以月正仲冬禮成大饗所以序昭穆之位格祖宗之靈荷清穹之降休俾盛典之獲舉敢伸昭謝冀達精衷

為將來禋享禮畢奏謝諸寺院神御表 同日

伏以茲者祗率孝心躬脩合祭潔精誠而是薦蒙顧享之來臨惟慈聖之降休俾眇躬之成禮敢忘勵翼永荷基圖

為將來禋享禮畢奏謝永安陵等處表 同日

伏以恭承先烈獲守慶基式因冬物之有成載肅廟容而合食上繫丕貺克展孝思是惟感慕之誠益勵祇寅之志

為將來禋享禮畢奏謝泰山廟等處表 同日

伏以茲者因歲物之冬成講祭容而時舉豆蓬有序禮樂交修顧惟眇躬克遵盛典實賴明靈之佑敢忘

報貺之誠

賜步軍副都指揮使涇州觀察使秦鳳路副

都部署王凱赴闕茶藥口宣

六月二十五日

卿抵膺召節方屆都畿載惟道路之勤屬此炎薰之候宜頒良劑式示眷懷

賜步軍副都指揮使涇州觀察使秦鳳路副

都部署王凱赴闕生料口宣

同日

卿出膺邊寄入恪觀容顧就館以云初方奉主而來見宜頒餼勞式示眷懷

除宋庠制加恩進封

門下盡其志以饗親因而餽惠爵于朝而示衆所以褒功考祭典而可稽著國章而有舊矧乃樞機之任惟余鼎鼐之臣飭事齊莊宣力左右方此慶行之始宜推寵數之隆推忠協謀同德佐理功臣樞密使開府儀同三司檢校太尉行兵部尚書同中書門下平章事兼羣牧制置使上柱國廣平郡開國公食邑七千八百戶食實封二千九百戶宋庠履行清純詔識深茂夙有佳譽蔚為名臣文足以爲國華學足以謀王體入則登于三事備整謨猷出則殿于大邦藹存風績自還機務頗歷歲時秉一德以協恭出處不更

其守展四體而盡瘁夙夜匪懈其勞屬威禮之有成廣推恩而自近按夫輿地特啓於新封加以寵名蓋遵於故事惟是使蕃之錫式仲眷倚之懷於戲君子者邦之基大臣者民之表播紳之望所屬老成德業之隆豈煩多訓服我休命往往惟欽哉可特授依前檢校太尉行兵部尚書同中書門下平章事兼羣牧制置使充樞密使特封莒國公仍賜推忠協謀同德守正佐理功臣散官勳食實封如故主者施行

除李昭亮制加恩

門下朕卜吉孟冬躬薦清廟祖考來格貺以百福之多慶賜遂行均于四海之廣惟子將相之任是謂股肱之良宜擇剛辰誕揚休命忠果守正佐運翊戴功臣彰信軍節度曹州管内觀察處置等使開府儀同三司檢校太保同中書門下平章事持節曹州諸軍事行曹州刺史上柱國隴西郡開國公食邑一萬一千五百戶食實封三千四百戶李昭亮志尚純懿資識敏明世蒙舊德之餘早遵重熙之盛備于跪使奮厥材猷好學詩書知將率之爲體兼推威信撫士卒以克和入則有宿衛之勤出則著扞城之效寄之方面屢守於要藩班乃政條頗煩一作聞於佳譽乃眷別

都之重實司留鑰之嚴排節秉鈞並享崇高之貴治  
戎撫俗兼資鎮靜之材茲惟國任之艱方屬倚毗之  
意是用因需恩之浹洽推異數之便蕃廣乃䟽封增  
其真戶仍疇美績褒以嘉名於戲秉德不回所以見  
始終之操好謙自守乃能居寵祿之榮汝其欽哉膺  
此優渥可特授依前檢校太保同中書門下平章事  
使持節曹州諸軍事行曹州刺史充彰信軍節度曹  
州管内觀察處置等使加食邑七百戶食實封四百  
戶仍賜推誠保德守正佐運翊戴功臣散官勳封如  
故主者施行

除梁適制特授特進加恩

門下王者嚴其宗廟饗必及其時盡其誠心祭則受  
其福朕躬執圭璫率諸臣工因百物之成冬格列聖  
而合食嘉與有位之衆均茲錫祉之繁矧惟槐鼎之  
舊臣實繫國家之大體宜優新命以告外庭推誠保  
德忠亮翊戴功臣定國軍節度同州管内觀察處置  
等使光祿大夫檢校太傅使持節同州諸軍事同州  
刺史兼御史大夫上柱國安定郡開國公食邑四千  
七百戶食實封一千五百戶梁適世胄之華早躋仕  
路藝文自奮繼踐辭科進階顯榮亟被獎擢優游侍

從之列常奉於清閒出入中外之勤實勞於夙夜既  
贊樞府遂登宰司啓沃之謀詰言猶在進退之際禮  
遇兼隆自歷藩垣頗更歲月近惟大鹵實宿勳兵俾  
分節制之權以爲方面之重撫茲雅俗藉爾敏材屬  
熙事之有成均慶恩而方洽是用敘陟崇階之貴兼  
增食戶之多推茲寵章蓋率舊典於戲執忠信之一  
節所以事君守富貴而不驕乃能終吉是惟素學寧  
假訓辭往服茂恩當體予意可特授特進依前檢校  
太傅使持節同州諸軍事行同州刺史兼御史大夫  
充定國軍節度同州管内觀察處置等使加食邑七  
百戶功臣勳封食實封如故主者施行

除許懷德制加恩

門下賞以懋功俾有能之知勸祭之爲澤思在位以  
咸均嘉盛禮之斯成務推恩而惟廣矧乃耆明之指  
是爲心膂之臣宜示優隆式揚誕告衛聖志果雄勇  
翊戴功臣殿前都指揮使保寧軍節度蔡州管内觀  
察處置等使特進檢校尚書左僕射使持節蔡州諸  
軍事行蔡州刺史兼御史大夫上柱國潁川郡開國  
公食邑五千戶食實封一千二百戶許懷德勳勇之  
質蓋稟天姿忠厚之良自爲國器少有四方之志出

逢千載之辰，臨其材謀，能自奮勵，訓我士卒，號令之信，甚明。爲于爪牙介冑之色，難犯。爰採軍中之譽，俾分關一作外之權，遂膺旋節之榮，專董貔貅之旅，宿衛宮禁，周旋歲時，宣力甚勤，有知無不爲之節，盡瘁後已，加老而益壯之心，誠未耗於精明，宜但矜於矍鑠，屬受釐之均慶，方決宇以蒙休載，推圖舊之懷式，叙疇勞之典，益其封食，錄乃功庸，於戲享爵，祿之崇高，荷寵靈之優渥，挺金石不渝之標，茲惟事上之誠，知富貴克守之難，用保有終之吉，勉矣來効，往其欽哉！可特授依前檢校尚書左僕射、使持節、荊州諸軍事、行荊州刺史、兼御史大夫、充殿前都指揮使，保寧軍節度、荊州管内觀察處置等使，加食邑七百戶，食實封三百戶，仍賜衛聖忠果雄勇宣力翊戴功臣散官，勳封如故，主者施行。

翼祖皇帝冊文

維嘉祐四年歲次己亥十月壬戌朔十二日癸酉，孝曾孫嗣皇帝臣某敢昭告于高祖翼祖簡恭睿德皇帝，伏以皇天眷命，興德造邦，始基之功，實自積累，獲嗣丕烈，敢忘翼勵。孟冬吉月，歲事既成，合祭以時，舉茲禮典，惟是備物，將以誠懇之心，神其歆之，錫以多

福，謹以一元大武柔毛剛鬣，染威鄉合鄉其嘉蔬嘉薦醴齊，嚴恭備物，式薦虔心，高祖妣簡穆皇后劉氏配尚饗。

真宗皇帝冊文

維嘉祐四年歲次己亥十月壬戌朔十二日癸酉，孝子嗣皇帝臣某敢昭告于皇考真宗膺符稽古成功讓德文明武定章聖元孝皇帝，伏以古之以孝而饗親者，氣節既至，感其思心，均禘嘗烝，禮以時舉，然猶未歆其志也。則又大合祖宗而享焉，顧惟小子克守成業，治民事神，動有不訓，是用躬執圭瓚，薦其芬芳，儀一作儀然如聞來格，來覲，謹以一元大武柔毛剛鬣，染威鄉合鄉其嘉蔬嘉薦醴齊，嚴恭備物，式薦虔心。皇妣章穆皇后郭氏、皇妣章獻明肅皇后劉氏、皇妣章懿皇后李氏配尚饗。

淑德皇后冊文

維嘉祐四年歲次己亥十月壬戌朔十二日癸酉，孝孫嗣皇帝臣某敢昭告于皇祖妣淑德皇后尹氏，伏以彤管有輝，內德茂焉，清廟載嚴，合食爲重。十月惟吉，備物有容，威靈來臨，昭穆序配，薦以誠潔，神其顧思，謹以一元大武柔毛剛鬣，染威鄉合鄉其嘉蔬嘉

薦醴齊嚴恭備物式薦虔心尚饗

賜樞密使宋庠讓恩命第一表不允批答

省表具之朕以因時致享克展於孝思已祭受釐大均於慶澤乃眷耆明之哲實予體貌之臣肅臨事之有容既交伸而蒙覲宜推異數以示眷懷雖嘉好譙曷止成命所讓宜不允

賜樞密使宋庠讓恩命第二表不允斷來章

批答

省表具之卿蘊純和端慤之誠富敏瞻通明之學惟時舊德實我柄臣當祀事之有成廣慶恩而方洽疇其封爵錫以號名茲爲寵章蓋舉常典無煩避讓其往欽承所讓宜不允仍斷來章

賜樞密使宋庠讓恩命第一表批答口宣

熙事既成方大均於祭澤寵章所異宜首及於樞臣當即往膺勿煩沖讓

賜樞密使宋庠并河陽三城節度使判河南

府文彥博加恩告敕口宣

朕以饗親致孝餞惠均恩宜有寵章以褒舊德往欽新命當體眷懷

閤門賜華原郡王允良感德軍節度使允初

告敕口宣

蔣爲賢王陪我祀事既膺福貺宜被寵靈往體予懷祗服新命

賜皇弟奉寧軍節度使華原郡王允良讓恩

命第一表不允批答

朕合食祖考以昭孝推恩宗族以展親所以厚人倫明教愛卿以近屬肅然在庭能盡志以修容不違禮而終事方慶典之均洽宜寵章之所先好謙之懷雖可嘉尚已出之命其往欽承

賜皇弟奉寧軍節度使華原郡王允良讓恩

命第二表不允斷來章批答

卿擢秀宗英作屏王室從我祠事聲其齊明因餞惠之均恩示推仁而睦族避讓之節固已識於冲懷敦諭既勤宜往祗於成命

賜皇弟感德軍節度使允初讓恩命第一表

不允批答

朕因時孟冬薦鬯清廟蒙祖考之來貺均慶賜以推行乃眷宗藩宜優寵數蓋克遵於舊典何過自於撫謙其欽訓言往服休命

賜皇弟感德軍節度使允初讓恩命第二表

不允斷來章批答

朕親款太官致饗列聖蒙神貺其百福思慶及於多方乃眷宗藩宜優寵數惟是便蕃之錫式推敦睦之仁嘉乃冲懷形于懇避禮有常節無為過恭命之已行難或中止

賜皇弟華原郡王允良感德軍節度使允初

讓恩命第一表不允批答口宣

卿以宗藩之近參闕祀之嚴爰疇乃勞優以異數宜思祇受勿復固辭

賜皇弟華原郡王允良感德軍節度使允初讓恩命第二表不允斷來章批答口宣

卿以宗支之賢陪廟祀之重均茲慶典遽述讓誠命出已行理難中止所宜祇受以副予懷

內制集卷第六

內制集卷第七

歐陽文忠公集八十八

賜河陽三城節度使同中書門下平章事判

河南府文彥博加恩告勅詔

朕因孟冬之吉辰饗太官而合食膺受神貺推行慶恩眷惟同德之臣方處居留之任宜優異數少示眷懷既數告於外庭其往祇於休命

內中福寧殿開啓拾享預告道場青詞 十月十九日

伏以宗廟之嚴拾祭為重乃卜孟冬之吉躬修合食之儀仰企上靈冥孚陰佑俾克成於盛禮冀永錫於純禧式展孝思用膺神貺

在外五嶽四瀆四海并諸神廟等處謝拾享禮畢祝文 十月十九日

屬者卜吉孟冬致饗清廟聖靈來格福祉各臻荷神貺之不逮俾緝儀之克舉敢忘神報達此明誠

泗州塔下并峨嵋山開啓謝拾享禮畢道場齋文

茲者冬物告成因饗親而達孝神釐來貺既均慶之以時惟盛一作禮之弗違荷巨慈之旁祐即靈場而申報冀冥鑒之孔昭薦此誠明期於福應